



**WEYTEKIKALKO INSTITUTO ELECTORAL DE HIDALGO**

## **TLANOHNOTSALISTLI**

**PILTLAHKWILOL TLEN TLANAWATILLI  
LINEAMIENTO MA MOSENTILISEH  
RECLUTAMIENTO, MOPEHPENISEH SELECCIÓN  
WAN KINTOKAHTLALISEH DESIGNACIÓN TLEN  
CONSEJERÍAS ELECTORALES TLEN  
KISENKAWASEH CONSEJOS DISTRITALES TLEN  
WEYTEKIKALKO INSTITUTO ESTATAL  
ELECTORAL DE HIDALGO.**



## TLANOHNOTSALISTLI

Ipan 22 tonalli tlen agosto meetstli tlen ni xiwitl, moyolmelahki ipan Periódico oficial del Estado de Hidalgo ni Decreto 578 ipowal ika yani moyankwilia miak senkawalistli tlen Código Electoral del Estado de Hidalgo, yani kikneki kichiwas se kwalchihchiwalistli ipan ni Weyitekikalko Instituto Estatal Electoral de Hidalgo ika tekikalmeh tlen axmotlatskiltiah, axmoitaseh ni Consejos Municipales Electorales.

Weyitlamantli elih, kema mopehki ni ohtli Proceso Electoral Local 2023-2024 kampa mochiwas wasanilistli elección local ordinaria ma moyankwiliseh 84 Municipios del estado de Hidalgo, nohkia keh mowasaniseh Diputadas wan Diputados Locales, moneki moketsas nechikolistli Consejos Distritales, inihwantih kintekitiseh, kimoyawaseh wan kitlachiliseh ni ohtli proceso electoral ipan idistrito electoral local, kinseliseh tlen Consejo General amahtinih wan tlamantli tlen moneki ma mowasanis tlatilantli Ayuntamientos wan Diputaciones Locales wan tlah kiampa elih nohkia Weyitlanawatihkah Gubernatura, nohkia kinpowaseh wasanilistli, kinpatiitaseh, wan nohkia sekinok tekitsitsih tlen monekis ika wasanilistli tlen onkas.

Pampa moneki motetonis ni ohtli procesos electorales ipan Estado de Hidalgo, achi kema mochiwas ni Proceso Electoral Concurrente 2023-2024, kampa moyankwiliseh tlatilantli tlanawatiyanih wan nohkia mowasaniseh diputaciones locales, moixpantia se tlanawatilli Lineamiento ma mosentiliseh, kipehpeniseh wan kintokahtlaliseh masewalmeh tlen tekitiseh ipan ni consejerías electorales tlen tekikalmeh motlatskiltokoh tlen Weyitekikalko Instituto Estatal Electoral.

Kiampa elih keh ni tlanawatilli Lineamiento, ika sekinok tekitsitsih kitlachilis ni ohtli kampa mosentiliseh, tlen moneki ipan consejerías, kenihkatsa elis tekitl tlen mochiwas, tlen monekis ma nochi kwalli inkalakiseh wan axkinyokachiwaseh, kema onkas tlahtlanilistli wan moitas nochi tekitl tlen kichihtok wan tekitsitsih tlen melawak kichiwa ni ohtli ika moketsa ni 18 Consejos Distritales.

Iwikal keh moselis ni tlanawatilli Lineamiento nohkia amahtinih tlen motlatskiltia wan moneki mosenkawas ipan ni ohtli tlen Sentilistli Reclutamiento, Tlapehpenilistli Selección wan kema kintokahtlalia Designación masewalmeh tlen tekitiseh ipan Consejerías Distritales, yani: (I) Tlanohnotsalistli, (II) Amahtlahtlanilistli ika moamahtlalis, (III) Currículum vitae yani kampa nesi nochi tlen momachtihok wan tlen tekitihok, (IV) Resumen curricular nohkia nesis tlen kichihtok wan momachtihok pampa moyolmelawas, (V) Kiihtos san tlen melawak, wan (VI) Kiihtos tlah motlatskiltia (kampa monekis).

Se weyitlamantli tlen kikneki IEEH mosenkahok ipan Pittlanawatilli 48 tlen Código Electoral del Estado de Hidalgo temakas masewalmeh temachtli ma kitekiwis tlen político-electorales itechpowilis; Ma motlepanitas ni tlanawatilli, moneki moixmatis itstokeh nechikolmeh tlen mopantiah axiwikal wan kiyokachiwah keh Mexiko masewalmeh, achi tlen Hidalgo ewanih, keh tlamantli axtekawilia ma kwalli



## TLANOHNOTSALISTLI

kintekiwikah inintechpowilis pampa kiampa itstokeh. Moitas nohkia sekinok sentilismeh: Masewalmeh tlen miak ixinaxpaktilis wan tlah siwameh noso tlakameh; Masewalmeh tlen axkwalli kinpia itlakayo; Masewaltsitsih wan afromexicanas masewalmeh; Masewalmeh tlen wewentsitsih wan nohkia ichpokameh noso telpokameh.

Ika tlen mosenkahtok ipan piltlanawatilli 66 itlapankah XIII wan 83 ome itlahkwilol tlen Código mopatiitas yehyekolli tlen Pertendencia ika sentilismeh tlen axkiwelitah, ma motokahtlalis 1 tekittl kema mokwalchihchiwas sesen Consejo Distrital kema onkas masewalmeh tlen moamahtlalihtokeh ipan ni wan nohkia tlah kipia tlen moneki ika tlanawatilli, malhwilistli wan tlen momachtihok moneki.

Masewalmeh tlen kikneki tekitiseh, weli tekitiseh ipan ohtli ma mopehpenis wan motokahtlalis tlen Consejerías Electorales Distritales, tlah kitlepanitah tlen mosenkahtok ipan tlanohnotsalistli, tlen achtowi moihtok axmoitas tlah masewaltsitsi, tlah siwatl noso tlakatl, tlah axkwalli kipia itlakayo, tlah kipia tomin noso amo, tlah mokokowa noso amo, tlah kipaktia inamik iwikal, tlah motlatskiltia ika se sentilistli tlen axkinwelitah noso tlenwelli tlamantli tlen axkitlepanita masewalli wan tlah axkitlepanitah inintechpowilis wan ininxoxolkah masewalmeh.

Moixpantia tonalamatl kampa ixnesi tonalli tlen kitekiwis masewalli tlen kiknekis tekitis.

### TLANOHNOTSALISTLI ITONALAMATL

Tekitsitsi	Tonalpa
Yolmelawalistli	07 tonalli tlen septiembre meetstli ipan 2023 xiwitl
Ixpantilistli	07 tonalli tlen septiembre meetstli wan asitih 30 tonalli tlen septiembre meetstli ipan 2023 xiwitl
Amahtlalilistli	07 tonalli tlen septiembre meetstli wan asitih 30 tonalli tlen septiembre meetstli ipan 2023 xiwitl
Moyolmelawas Inintokah Masewalmeh tlen Moyehyekoseh	09 tonalli tlen octubre meetstli ipan 2023 xiwitl

**TLANOHNOTSALISTLI**

<b>Kichiwaseh tlayehyekolli</b>	<b>21 tonalli tlen octubre meetstli ipan 2023 xiwitl</b>
<b>Moyolmelawas tlen Kisatok ipan Tlayehyekolli</b>	<b>25 tonalli tlen octubre meetstli ipan 2023 xiwitl</b>
<b>Moyolmelawas Inintokah Masewalmeh tlen Kinchiwaseh Tlahtlanilistli</b>	<b>27 tonalli tlen octubre meetstli ipan 2023 xiwitl</b>
<b>Mochiwas Tlahtlanilistli wan Mopatiitas tlen momachtitok wan tlen tekitihtok</b>	<b>30 tonalli tlen octubre meetstli wan asitih 17 tonalli tlen noviembre meetstli ipan 2023 xiwitl</b>
<b>Moitas Amahtinih</b>	<b>21 tonalli wan asitih 24 tonalli tlen noviembre meetstli ipan 2023 xiwitl</b>
<b>Motemakas amahtlalilistli ipan Secretaría ma kintlachiyaseh ipan Comisión tlen moneki ika motlamia tlahkwilol tlen Tlanawatilli Marco Jurídico</b>	<b>30 tonalli tlen noviembre meetstli ipan 2023 xiwitl</b>
<b>Comision temakas tlachiyalistli ika motlamia tlahkwilol tlen Tlanawatilli Marco Jurídico</b>	<b>06 tonalli tlen diciembre meetstli ipan 2023 xiwitl</b>
<b>Moselis amahtlalilistli ipan Consejo General</b>	<b>15 tonalli tlen diciembre meetstli ipan 2023 xiwitl</b>

Masewalmeh tlen kiknekiseh tekitiseh weli kintlachiliseh yolmelawalistli tlen moneki wan ohtli ma motokachtis ipan canales oficiales tlen Weyitekikalko Instituto Estatal Electoral de Hidalgo: Redes sociales tlen IEEH (Facebook, X, Instagram) wan nohkia ipan portal oficial ipan yani.

<http://www.ieehidalgo.org.mx/index.php/j-content/proceso-electoral-2023-2024>

<http://ieehidalgo.org.mx/images/sesiones/2023/septiembre/IEEH-CG-043-2023.pdf>